

1614

no. 9

LE
CHEVALIER
ERRANT,

POVR SUPPLEMENT
DV ZOPIRE FRANÇOIS.

AV ROY.

Iustitia ante eum ambulabit, & ponet in vias
gressus suos.

Tunc rex letabitur in Deo, laudabuntur
omnes qui iurant in eo, quia obstructum
erit os loquentium iniqua.

*La Iustice marchera deuant luy à la teste de son
Avant-garde, & il suivra en toute seurété.*

*Lors le Roy se resjouira en Dieu, & tous les serui-
teurs qui luy auront conseruè fidelite seront ho-
morez en luy, & les bouches des imposteurs se-
ront estoupées.*

I 6 I 4.

CLAYTON
K. R. R.

Case
F

39

326

1615

disput


THEY WENT TO
THEY WENT TO

AV. B. R.

THEY WENT TO THE
THEY WENT TO THE
THEY WENT TO THE
THEY WENT TO THE

THEY WENT TO THE
THEY WENT TO THE
THEY WENT TO THE
THEY WENT TO THE

1000



A V R O Y.

SIRE,

Vostre Majesté souveraine pour
preuve & demonstration de ses pieu-
ses & roialles intentions, tesmoignage
de ses paternelles affections & marque
d'une souveraine bonté envers les
bons & fideles subjects, s'estant voulu
communiquer souverainement à eux,
comme bien souverain par l'ouverture
& publication de ses Estats generaux,
ayant faict crier & proclamer l'honne-
ste & franche liberté pour tous, l'on
void chacun s'efforcer à qui mieux
mieux de desployer ce qu'il a de plus
prompt dans ses secrets, pour vous dō-
ner les aduis necessaires de mettre à
chef, vos saincts vœuz & desirs, pour
la reformation des desordres de l'Estat
& conseruation de toutes ses parties
iusques aux plus petits indiuidus. L'un
parle des finances, l'autre de la Venali-
té des Offices, & quelqu'un en passant

A ij.

de la superfluité & surcroist des officiers; mal à la verité des plus grands & des plus dangereux en vostre Estat, & ainsi selon ce que chacun est porté des meslanges de ses diuerfes conceptions toutes tendantes à mesme fin. Mais sans vouloir blasmer leurs desseins, puisqu'ils n'ont rien de mauuais à l'exterieur, ores qu'ils fussent poussez au dedans de quelque interest particulier, ie diray franchement qu'ils sont tres mauuais architectes, voulans commencer leurs bastimens par les voutes, tout ce qu'ils disent est bon pour conseruer: mais il faut auparavant bastir ou rebastir, & commencer par les fondemens pour faire vn ceuvre qui soit durable, & se puisse deffendre & roidir contre les orages des vents impetueux, qui se peuuent leuer à l'encontre. Le vray fondement de tout Royaume & republique, SIRE est la religion & la iustice du premier on n'en parle point du tout, pour ce que, comme ie crois, ce n'est pas matiere qui se doie traiter en l'assemblée des Estats politiques, & de l'autre on en parle fort peu. Seulement il s'est

rencontré vn Zopire François qui en a voulu dire quelque chose : mais soit qu'il n'ait osé, ou qu'il ne le sçache, il n'a rien dict du mal public, bien a-il voulu descouvrir les dissolutions estranges à la verité d'un lieu particulier, & peut estre animé de son propre interest. Toutesfois il semble à son discours qu'il ayt voulu y donner quelque atteinte, & que pour certains respects il ne l'ait pas osé, neantmoins y a apparence qu'il pourroit dire plus, s'il estoit escouté. C'est pourquoy voyant le malheur si grand, & que personne n'y a encores touché, combien que ie ne sois qu'un pauvre soldat de fortune, & le plus abject de vos tres-humbles subjects, n'estimant pas pour mon bas estat estre dispensé de l'obligation que ie vous dois naturellement, comme un François fidele à son Roy, j'ay pris la hardiesse SIRE, de vous dire ce que j'ay recognu & entendu, cherchant les aduantes par le monde des desreglemens de la iustice de vostre Royaume en plusieurs endroits d'iceluy, (Dieu veuille qu'ainsi ne soit par tout) & quelque peu en passant de la pieté &

religion & vostre Estat si corrompu.
 Il y a vingt-ans & plus Si R E, que ie
 vois le monde courant milles hazards
 en la France, & ores que pour me ga-
 rentir moy mesme du naufrage, il me
 fust besoin d'estre attentif & vigilant
 à ma defence priuée contre tant d'en-
 nemis, si eût-ce que voiant les malheurs
 & oyant les plaintes, ie n'ay pas laissé
 d'auoir tousiours les yeux ouuerts &
 l'esprit continuellement rendu pour
 apprendre des vns & des autres les cau-
 ses principales de ces miseres, j'ay con-
 sideré de pres la forme du gouuerne-
 ment de beaucoup de villes, & com-
 muniqué avec plusieurs personnes
 doctes & sages: mais chacun concludoit
 à la ruine totale, pour la seule raison
 de la iustice corrompue. Les plus iu-
 dicieux & experimentez se fondans sur
 les reigles diuines & humaines, esti-
 moiēt que la maladie ne pouuoit souf-
 frir aucun remede sinon avec tres-grā-
 de difficulté, & que cet estat jadis flo-
 rissant soit pour ceste occasion, ou par
 sa longue durée, comme cassé de viel-
 liesse, fust plustost sur la fin que sur l'at-
 tente d'un reestablisement: mais pour-

tant SIRE, ie n'ay iamais perdu l'espe-
 rance du recouurement de sa santé,
 aussi à parler en maxime d'Estat, ainsi
 que c'est vne trop grande lascheté,
 quelque forte tempeste qui arriue de
 perdre tellement le cœur, qu'au lieu
 d'essayer par tous moyens à euitier le
 naufrage on quitte le tymon & rompt
 les voiles. C'est aussi vne plus sage &
 asseurée resolution aux hommes affe-
 ctionnez au bien & aduancement de
 l'Estat, & au repos & tranquillité du
 public, auquel Dieu les a fait naistre ze-
 lez, de ne se relascher iamais, ains s'op-
 poser courageusemēt aux accidens qui
 peuuent apporter alteration, ou vne
 entiere subuersion. Mais sur tout ie me
 suis principalemēt fondé au bon-heur
 de vostre sacrée Majesté, donnée de
 Dieu à la France, comme par miracle
 & sur les influences desgraces desquel-
 les elle a tousiours esté enuironnée &
 assistée du Ciel, ie me suis entretenu &
 consolé en cest espoir parvn motif par-
 ticulier de ma conception, outre la
 croyance vniuerselle: car deslors que
 nostre Estaille marutinalle, ceste belle
 Aurore, la tres-sage, tres-vertueuse &

res-magnanime Princesse la Roine
 Regente, se veit leuer sur nostre he-
 misphere, ie conclus en mon petit en-
 tendement qu'un beau & clair Soleil
 deuoit sortir apres par les rayons esclat-
 tans, duquel se dissiperoient les tene-
 bres offusquans la beauté de ces deux
 Vierges Pieté & iustice. Ainsi nous est-
 il arriué SIRE, par vostre heureuse
 naissance & vostre aduenement qui
 estes en terre nostre Soleil de iustice.
 Ce que preuoiant de loing ce malheu-
 reux esprit, Prince d'iniquité par les
 coniectures, certaines vertus & perfe-
 ctions admirables de ceste vaillante
 Elbora, il fit dès son entrée tous les
 efforts & arma la terre, & la mer pour
 s'y opposer, estant aduis à plusieurs que
 par ceste orageuse tempeste par luy ex-
 citée au port de Sauonne, il deust en-
 seuelir dans les eaux esmeuës, toutes
 nos esperances. Ce fut là où elle fit pa-
 roistre vn esclat de sa constance nom-
 pareille, demeurant sans crainte ny
 frayeur dans son vaisseau Royal au fort
 de la tourmente, asseurant par sa pre-
 sence les plus espouuantéz. Ce fut là
 que chacun disoit à la France, voicy
 vraye-

vrayemēt celle, laquelle par la vettu du
 nō qu'elle porte, & par ses singulieres
 perfectiōs doit briser par sa semence &
 posterité la teste du serpent, terrasser
 tes ennemis, repārer tes desordres, dis-
 siper tes grandes iniustices & les impie-
 tez lesquelles te deuorent. L'on en a
 veu SIRE de beaux commencemens,
 & l'on en attend vne fin heureuse par
 les arres & gages d'amour que vous en
 auez donnez. Il est aussi tres-necessai-
 re, autrement rien sans iustice, & avec
 elle tout, c'est elle SIRE, qui doit por-
 ter deuant vous vostre espée roiale
 comme la Connestable, & cela estant
 mettez vous hardiement en campa-
 gne, vous marcherez en terre ferme &
 passerez par tout en seureté : mais si la
 iustice ne regne dans vn Estat, Dieu n'y
 est pas, puis que ceste Vierge est mar-
 que & signal de sa presence, comme il
 a esté dict au front de cest escrit, ainsi
 sans comparaison que quand l'on voit
 vos gardes & vostre cour marcher, on
 dict assurement le Roy est là, de mes-
 melors que la iustice à son cours dans
 vn Royaume en toute pureté on peut
 bien assurer que Dieu y est, & où est

Dieu, là est la paix & la felicité, en ce
 cas SIRE, comme dict le roial Prophe-
 te vostre Majesté s'esjouira en Dieu, &
 tous vos bons & loyaux seruiteurs, les-
 quels vous ont iuré & conserué, fide-
 lité seront louiez & honorez en vous, &
 les bouches prophanes des imposteurs
 seront estoupées. Ce poinct SIRE
 estant vne des plus grandes obliga-
 tions que vos subjects puissent auoir
 enuers vostre Majesté & à l'estat, l'on
 vous afaict entendre le mal & le reme-
 de pour par vostre roiale conduite &
 preuoiance, & le Conseil de vos plus
 fideles & affectionnez seruiteurs y ap-
 porter de bons reiglemens pour affer-
 mir l'Estat, ou ayder à faire differer vne
 alteration que Dieu ne veuille par sa
 grace. A tout le moins SIRE, si par
 les vicissitudes le terme de sa durée ap-
 prochoit, vous le conseruiez en santé
 par diettes & bons regimes, afin de luy
 faire souffrir vne vieillesse la plus dou-
 ce & naturelle que l'on pourra, sans
 fracture, calamité, ruine & violence
 pardelà le temps & les ans bien fortu-
 nez de vostre Majesté, & de vos succes-
 seurs. Ce qui n'aduiendra qu'en la fin

des siècles derniers, si vous rappelez
 ceste chaste & sainte Dame vostre
 sœur aisnée & compagne perpetuelle
 la iustice, laquelle ayant comme aban-
 donné la France semble y vouloir re-
 tourner & auoir desia la moitié du
 corps hors le Ciel n'attendant que le
 mot. Dictes donc SIRE, ce mot bien
 heureux que iustice soit faicte, & la voi-
 là venue. Le voy bien SIRE ce qui vous
 retient, c'est la sœur la misericorde la-
 quelle vous prefereriez volontiers. sur
 tout par vostre debonnaireté & pieté
 naturelle, le propre de laquelle imitant
 celuy que vous representez en terre
 est de pardonner: mais SIRE ces deux
 ne vont iamais l'une sans l'autre, elles
 se tiennent continuellement embras-
 sées d'un baizer de paix, l'une moderant
 les rigueurs de l'autre. Toutesfois
 SIRE, ainsi que souloit dire vostre
 grand ayeul le bon Roy S. Louis, il faut
 faire iustice en tout tēps, ie sens SIRE
 que ie m'emporte par un aueuglemēt
 d'amour outre mes propres intentions
 & ma capacité, c'est trop dict peut-
 estre pour un petit Cheualier Errant
 aussi peu versé aux affaires d'Estat

qu'un Clerc aux armes. Il me doit suffire de parler en gros de ce que j'ay veu & appris, & en partie trop expérimenté par des reigles nouvelles & malheureuses qui courent aujourdhuy par les parquets, ou par force, ou par dol. Le surplus SIRE, vous sera comme l'on croit représenté par ce grand Prince, lequel vous a donné les premiers aduis des desolations de vostre Estat & de l'endroit où il conuenoit promptement reparer qui est la Religion & la Iustice: Vous aiant remōstré que comme par ces deux moiens les Empires & Royaumes sont fondez & establis, par les mesmes voies, aussi ils sont conseruez, remis & radressez, ce sont les deux Roines & Emperieres qui font regner les Rois, asseurent & esleuent leurs sceptres à mesure qu'elles sont entretenues, & les remuent, transportent & renuersent du tout quand elles sont negligées & abandonnées. Il ne faut donc pass'esbahir SIRE, si ce pauvre Royaume est à present si afflige, puis que ces deux parties principales du corps sont malades & languissantes iusques à l'extremité. La Religion y est

refroidie par la nonchalance des Ecclesiastiques & Pasteurs, conuience par auarice & adulations à l'impieté en plusieurs endroicts, & par l'habitude des vices des seculiers & laiques à leur propre exemple: Elle est contaminée par blaspheemes & desloyautez profanée de derisions & curiositez, & violee par atheïsmes & impietez. La Iustice qui est vne vierge chaste, venerable, & incorruptible est toute déguisée & transformée: son integrité en corruption, sa pudicité en prostitution, sa simplicité en ruses, subtilitez & artifices, son equité en captieuses interpretations, sa doctrine en ignorance, son ancienne reputation parmy les nations estranges, & dedans les pourpris en mespris & indignité, n'y en ayant en beaucoup de lieux de vostre Monarchie aucune apparence: mais simplement vn ombre & simulachre. Je ne touche point aux bons iuges SIRE: car il y en a encores bon nombre: mais petit en comparaison des mauuais, la pluspart desquels y sont chargez de maints crimes, la chose pourtant n'est pas sans remede ny hors d'esperance de

pouuoir redresser l'Estat au moule de
 la premiere fondation, celà est possible
 & fort aisé avec l'ayde de Dieu, sans la-
 quelle les Conseils & les efforts des
 hommes seroient vains & inutiles: mais
 avec sa grace & faueur **SIRE** du grand
 desordre que nous voyons, comme
 d'une musique dissonnante, cest Estat
 fera remis en son ancienne armonie au
 recouurement de sa dignité & splen-
 deur precedente, & au restablissement
 d'une ferme & solide paix & tranquili-
 té pour en iouir sous vn regne le plus
 heureux & paisible qu'on puisse sou-
 haitter par le bon-heur de vostre adue-
 nement, lequel la diuine bonté a ia
 comblé de tant de benedictions & fe-
 ra encores à l'aduenir, que par vostre
 singuliere pieté & deuotiō, & les actes
 valeureux de vos proüesses à l'exemple
 de vostre grand bisayeul S. Louis, vo-
 stre memoire sera si celebre & heureuse
 que la chrestienté demeurera remplie
 de la splendeur de Dieu, & n'y aura lieu
 au monde tant escarté où vos esten-
 darts ne soient arborez, par la vertu ad-
 mirable, du signe de la croix. Toutes
 ces faueurs **SIRE**, que vostre sacrée

Majesté a receuës du Ciel donnent aux
 François vn tesmoignage certain de la
 prouidence de ce grand Dieu enuers
 ce pauvre Royaume: mais particulie-
 rement celle cy tant signalée, que pen-
 dant les grandes impetuositéz de
 temps dont il a esté agité par les der-
 niers mouuemens, il a diuinement su-
 scité ceste heroïque & incomparable
 Princesse espouse & mere de si grands
 Rois, laquelle par sa prudence, magna-
 nimité & vertus admirables desquelles
 elle est naturellement douée, a si dili-
 gemment tenu la main à la conserua-
 tion de cest Estat, que d'un si heureux
 acheminement, c'est à elle apres la fa-
 ueur speciale de Dieu qu'il faut rendre
 l'honneur & la reputation de l'auoir
 garanti d'un si perilleux naufrage. Je
 ne veux pas entrer plus auant és loüan-
 ges d'une si grande Roine, ne m'appar-
 tenāt pas. Il me suffira de dire qu'outre
 le consentement des François, lesquels
 pourroient estre suspects par les gran-
 des obligations qu'ils ont à sa Majesté,
 Elle a atteint par le commun accord de
 toutes les autres nations le degré de
 perfection des plus grandes Princesses

du monde: Mais le plus hault point
 de sa gloire, & de l'obligation que la
 France luy aura pour iamais, est d'auoir
 par vn soing plus que maternel si sain-
 ctement instrué, nourry & esleué vo-
 stre Royale Majesté. Ce Prince gene-
 reux SIRE, y contribuant de sa part,
 & brullant del'amour & conseruation
 de vostre Estat, & par tant de preuues
 affectionné au seruice de vostre Maje-
 sté, nepouuoit vous donner vn aduis
 plus important & necessaire que du
 desreglement de la Iustice, outre les
 autres malheurs: Ce qui se recognoi-
 stra mieux, Dieu aidant, par les heu-
 reux succés qui en reussiront à la gloire
 de vostre dicte Majesté, & au contente-
 ment & repos de tout l'Estat. Car il est
 tres certain SIRE, que le grand edifi-
 ce de vostre Monarchie ayant esté ba-
 sty & fondé sur ces deux Colomnes,
 comme bases tresfermes & tres soli-
 des, & sur lesquelles il s'est tousiours
 depuis soustenu & conserué tant qu'el-
 les seront tousiours bien entretenues
 & demeureront fermes & entieres: il
 ne faut pas craindre que l'edifice s'es-
 branle & demolisse. De ceste verité,

SIRE

SIRE, vous en auez les exemples chez vous estant necessaire de conclure & de croire que la France a esté bastie sur de bons fondemens, puis qu'elle a si longuement duré heureuse, & florissante, resistant à tant de secouffes, lesquelles ont accoustumé de renuerſer les Empires les plus ferines & asseurez. Mais aussi est-ce sans doute SIRE, que ces colonnes & fondemens venans à se corrompre & affoiblir, ces accidens seront les signes auant-coueurs de sa subuersion. Et c'est pourquoy chacun courant au remede de toutes parts vers vostre Majesté me sentant obligé aussi bien que les autres de tout deuoir enuers vous qui estes mon Prince & seigneur, n'y ayant point de plus prompt remede pour remettre l'Estat en sa premiere gloire & splendeur : ie me suis efforcé de contribuer, ce qui est de ma petitesse, & apporter ma cruche pleine d'eauë au feu des publics embrasemens, afin que Dieu iustement courroucé, étant premierement apaisé, vous puissiez reſtablir & reformer sur les diuers aduis que l'on vous a donnez, toutes les choses qui sont en

si grand desordre , par lequel chacun
 est depuis cinq ans principalement tra-
 uailé. Pleust à Dieu SIRE, que vostre
 Majesté sceust ce qui se passe en vostre
 Royaume au faict de la Iustice, en di-
 uers endroits & fort proche de vous, &
 que le seul zele que i'ay au seruice de
 mon Dieu, & la fidelité que ie dois à
 vostre Majesté m'ont induit à vous
 presenter les tres-humbles protesta-
 tions de mes vœux. Je n'ay touché
 SIRE de l'autre colomne, à sçauoir la
 Religion: car vostre Majesté protectri-
 ce d'icelle a si bons gages & si beaux til-
 tres, en à tant de soing qu'il n'est ja be-
 soin de vous en rafreschir la souuenāce.
 Aussi que parlant de la Iustice c'estassez
 parler de la religion, qui est la premie-
 re iustice, & sans laquelle il n'y en peut
 auoir. Ces fondemens reparez SIRE,
 permis à tous, s'il vous plaist, de bailler
 les aduis pour la conseruation soit des
 finances, sans la foule du peuple: car
 c'est l'un des nerfs de l'Estat, soit aussi
 la porte ouuerte à ceux qui bailleront
 memoires & instructions contre la ve-
 nalité des Offices, & pour la suppres-
 sion des Officiers supernumeraires, &

contre la Polette , mal tres-grand & pernicieux, & auquel est grand besoin de remedier : car le vray repos des subjets de vostre Majesté est de supprimer les chiquanneries, ce qui ne se peut faire sans oster les instrumens, autrement c'est se plaire en la confusion. Depuis que la venalité des offices, & la Polette ont este inuentez les merites ont esté bannis, & la vertu faicte esclau de vice, & par l'introduction de la multiplicité d'Officiers de nouvelle creation, a esté estably le receptracle des faineants, autorisé d'un tiltre coloré, & vne armée de frelons, inutiles à cent mains, & le plus grand malheur SIRE, & que toutes sortes de gens se seruent de ces Offices, comme des Asnes reuestus de peaux de Lyon, pour se rendre formidables à ceux desquels ils estoient iustement mesprizez, joinct l'erreur populaire qui croit que depuis qu'un petit racleur de peaux, Marchand de Quinquallerie, ou de foin, qui aura esté toute sa vie, le Gibier des Preuosts des Mareschaux, pour vols & larcins commis aux finances de vostre Majesté, & autres telles manieres de gens

sont montez en ces charges & Offices
 nouueaux, plustost par les encheres
 que par la vertu & capacité, ils sont
 tenus les plus capables, bien qu'il soit
 vray de dire que la pluspart ne sçait
 rien moins que ce qu'ils doiuent sça-
 uoir, & cependant ils se tiennent sur le,
 quant à moy, foulans aux pieds les an-
 ciens seruiteurs de vostre Majesté, &
 ceux qui sont sortis des anciennes fa-
 milles, & combien qu'ils soient igno-
 rans, ils aiment mieux par vne malheu-
 reuse ambition hazarder tout avec
 leurs consciences que de vouloir ap-
 prendre de plus capables qu'eux. Ce
 n'est pas SIRE, de tels personnages que
 vostre Majesté & vostre pauvre peuple
 doit attendre secours: car ayans mac-
 quignonné leurs Offices cheremēt, ils
 quittent tous les respects de la con-
 science & de l'honneur pour se rem-
 plumer & sacrifier tous entiers à l'insa-
 tiable cupidité de regagner en détail
 au denier trente & plus, ce qu'ils au-
 ront desboursé en gros. Pour à quoy
 remedier SIRE, il seroit expedient de
 faire reuivre la voie de l'eslectiō, com-
 me il a esté representé par le Zopire

François, ensuiure les autres remedes par luy succinctement discoursus en ses aduis, toutes personnes ne doiuent pas estre receuës differemment aux Estats principalement de iudicature, comme desbauchez, banqueroutiers dissolus, & telles canailles, & toutesfois sont ceux aujourd'huy en France, qui sont la plus grande foule, par la faueur empruntée de quelques protecteurs, auxquels quand ils y sont entrez, ils se rendent corps, & ame faisant mille iniustices ne les osans desobeir, & puis il arriue par leur necessité & indigence, qu'ils sont comme les Medecins & Appoticaire malicieux, lesquels sont semblant de procurer l'aduancement de la santé, lors que le plus ils fomentent la prolongation du mal, ainsi les mauuais iuges abusans des balances & de l'espee se rendent indulgens aux mal.faiçteurs, ce qui faiçt esperer l'impunité, & cest espoir encourage à mal faire iusques aux moins enclins. C'est vne partie des maux qu'apporte la venalité des Estats & la creation & tolérance des Offices nouveaux & super-numeraires, outre mil autres inconue-

niens qui ont esté tant de fois repre-
 sentez avec l'experience. Ce Cheua-
 lier Errant, SIRE pour vn cent d'inu-
 tils supprimez baillera aduis, s'il plaist
 à vostre Majesté, d'en creer & establir
 quatre ou cinq seulement tres neces-
 saires & vtils pour le bien de la iusti-
 ce & soulagement de vostre peuple.
 Voila SIRE en peu de mots ce que i'ay
 osé vous dire de ce que i'ay cogneu
 depuis vingt ans, encores que ie sois
 des plus chetifs d'entre vos humbles
 subiects, & comme vn rien: veu mes-
 me l'Estat^r miserable de l'oppression
 en laquelle ie vis depuis cinq ans con-
 tinuels, pour ne trouuer iustice aucu-
 ne: le n'ay pas neantmoins estimé d'en
 estre dispensé. Cecy en est le rapport
 que ie vous en fais succinctement, &
 lequel i'offre, s'il plaist à vostre Maje-
 sté, signer pour tesmoignage avec mon
 propre sang & ma vie, laquelle en vn
 si beau sujet, ie sacrifie librement aux
 pieds de vostre Iustice, n'ayant plus
 autre chose à vous presenter, estant
 spolié de tout pour vostre seruice: Je
 souhaitte cependant à vostre Maje-
 sté en chacune de vos villes autant

de seruiteurs plus dignes en sçauoir & merites que moy, mais elgallement affectionnez, comme il y a de grains dans vne Pomme de grenade. C'est le souhait que faisoit pour loy-mesme ce grand Roy Darius, cela estant SIRE vostre Majesté se pourroit asseurer sur leur fidelité de voir refleurir vostre Estat en toute pieté & iustice. Je prie Dieu, SIRE, qu'il vous en face la grace, & que vostre sacrée Majesté puisse accomplir ses iours avec les perfections, vertus, prosperitez & graces qui ont esté données aux plus grands Monarques chers du Roy des Rois, & pour moy, que ie puisse estre receu de vostre dicte Majesté pour bon & fidele François, & d'icelle le

*Tres-humble & tres-obeissant
 subiect & seruiteur
 J. L. P. S.*

Handwritten text in a cursive script, likely a historical document or letter. The text is written in dark ink on aged, slightly discolored paper. It appears to be a single paragraph or a series of connected lines of text, possibly a list or a narrative. The handwriting is somewhat faded and difficult to decipher, but it seems to be a formal or semi-formal style. The text is arranged in approximately 15-20 lines, with some variations in line length and spacing. The overall appearance is that of an old, possibly 17th or 18th-century manuscript.